

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیلنی
(۱۳۰) غروشدور.

[نسخه سی ۵ غروش ،
سنه لکی ۵۲ نسخه در ،]


اداره خانه

باب عالی جاده سنده دائره مخصوصه

اخطارات

آبونه بدلی پشیندر

مسلكه موافق آثار مع الممنونیه
قبول اولنور . درج ایدله یین
یازیلر اعاده اولونماز .



اخطارات

آدرس تبدیلنده آیریجه بش
غروش کوندرا لیدر .

مکوبلرک امضالری واضح
واوقوناقلی اولسی و آبونه صره
نومروسی محتوی بولنمسی لازمدر .

ممالک اجنبیه ایچون آبونه
اولانلرینک آدرس لرینک فرانسه
جهده یازلمسی رجا اولنور

پاره کوندرا لیدیکی زمان نه یه دائر
اولدیغنک واضحا بیلا یرلمسی رجا
اولنور .

دینی ، فلسفی ، علمی ، ادبی هفته لق مجموعه اسلامیه در

اتبعون اهدکم سبیل الرشاد

صاحب و مدیر مسئول
اشرف ادیب

باش محرر
محمد طاکف

والله یهدی من یشاء الی صراط مستقیم

واوجهل دن هندستان ده استقلالیت احرار ایدم جک قناعتی هر کسه گلشدی .

بن هندستان داخلندم بدایتده بنچایده : دهلی ، سهارنپور ، لکنو ، لاهور کی مرکز لری دولاشمق نیتیه پاساپورتی قید ایتدیرمک اوزره پولیسه مراجعت ایتدم . قومیسر بالذات بنی یانه چاغیردی . دیدی که :

— بیلیمور میسکیز که شیمدی حرب زمانیدر ، راجنهی هیچ بر زمان بوصورتله هندستان داخلندم دولاشاماز . سزک مقصدکیز حجه کیمک ایسه بورادن دوغری هیچ بریده ایممک شرطیه یالکیز بومبایه کیده بیلیرسکیز .

— بن دشمن تبعه سی دکلم . سزک متفقکیز اولان روس تبعه سی . بنم مقصدم یالکیز هندستان شهرلرینی کز مکدر .

— محاربه دن سوکره کلور کوریرسکیز ، بزه امر بویه در . بن سزه قطعی اوله رق دیورم . سزپشاور دن هیچ بریده چیقه مزسکیز . یالکیز طوغری بومبای و جده ...

بزه بویه تهدید آمیز بر طوره معامله ایتدی . بن تکرار اصرار ایتدم . قومیسر : « فضله اصرار ایدر سه کز بومبایه کیده مزسکیز . افغانستان کری یوللارم » دیدی .

بونک اوزرینه مایوس اوله رق بو فکردن واز کچدم . یوقسه بر جولان ایدم رک هندستان داخلندم بر آاز موعظه و تشویقاتده بولونم یی تصمیم ایتشدم . مع مافیه انسان بر آاز فداکارلق ایدر سه دولاشه بیلوردی . بن کندی قناعت درجه سنده دوشوندم ، هندلسانی بیلیمدیکم جهته چوق استفاده اولنه مزدی . برده یالکیزدم ، بر آدم دیار غریبده نه قدر تاثیر اجرا ایدم بیلور ؟ بونلری عریض و عمیق دوشوندکدن سوکره پشاور ی ترک ایدم رک بومبایه کیتدم .

بومبایده دخی عینی احوال روحیه حکمفرما ایدی . اسلام ، محوس هب جهاد دن بحث ایتکده ایدیلر . بوراده عثمانلی عسکرینک سوبوش قالدن کچدیکی یک موثوق اوله رق روایت اولنیوردی .

بومبایده حمازه کیده جک واپوره انتظار ایدم رک اوچ هفته قالدیم ، شو اوچ هفته ظرفنده طبیعتیه حرب جهه لرندن هر کون بر حوادث بولنیوردی . روسلرک انزامی یک چوق یازیورلر سده اوجهته اوقدر اهمیت ویرمیورلر ، هر کس غزیه ستونلرنده سوبوش قالدنده انکلیزلرک انزاملرینی آرایوردی . ایکی کون سوبوشه ، مصره عائد تاغرافلر غزیه ستونلرنده کورولینجه هر کس خلیفه عسکرینک مصره کیردیکنه حکم ایتشدی . اهالی بوکا اوقدر قانعدی که دفعتله انکلیزار تکذیبه مجبور اولیورلردی .

هر کس عصیتدن عادتاً کیجه لری راحت اوویه میوردی . نه اولدی ، نه اوله جق ؟ دیه هر کس ، بیوک بر صبر سزاقله القاهره نك سقوطنه انتظار ایدنیوردی . استماعیلیه ، پورت سعید عثمانلی انده اولدیغه کیمسه شبهه ایتنیوردی .

شو صورتله هندستان داخلندم هیچ بر شی کورده میوب یالکیز پشاور ، بومبای احواله کسب اطلاع ایدم رک یک مختصر بر معلومات ایله هندستانی دخی ترک ایتدک . واپوره هندستان سواحلندن آچیلدی . واپورده حجاج یک آاز ، مجموعی قرق الی تورکستانی ایله بر قاج یوز هندلی واردی . هر کسی بیوک بر سکونت استیلا ایتدی . هیچ بر کونا حرکت یوق . بر دهشت و اندیشه ضمیرلرده حس اولنیوردی .

ایرته سی کون نره دن خبر آلتش بیلیم ، واپورده حوادث ظهور ایتدی : آلمان دوناماسنک بر پارچه سی هندستان صولرنده بولنیورمش . بزم واپوره تعرض ایتک احتمالی وارمش . بونک کی بر چوق حوادثلر ... دلیل اوله رق ده واپورک باش دیرکی آلتنده کی یشیل بایراغی کوسترییور لردی . یشیل بایراق واپورده تجار و امتعه عسکریه اولیوب یالکیز حاجی اولدیغه دلالت ایدرمش .

اوچ کون سوکره سالمآ عدنه کلدک . چوق بیوک بمنونیت حسن ایتدک . عدنده واپوره سوکترین عرب سوبله مش که : عراق جهه سنده خلیفه عسکری غایت بیوک موفقیت قازاندیلر . تفصیلاتی بیان ایدم میورسده ، حجاج کندی آرالرنده انکلیزلرک اون بیک اسیر ، یک کلیتی تلفات ویردکلرینی شرح ایتدیلر . آرتق او حوادث بزه جده یه قدر کفایت ایتدی .

شو صورتله بزم سالمآ جده یه کلدک ، بوراده احوال یک پریشان ، چوق مدتش ایدی . بیه جک ایجه جک یوق ، حرما طلاشی اوکوته رک اون یامشلرده ، اوندن اکمه بکیز برشی اعمال ایتشلردی . اونکله دفع جوع ایدنلر یک چوق . دکز ساحلنده بر آاز اول آجلقدن اولمش لاشه لر کوزه چارییوردی . اوله جکلرده یک چوقدی . حرکت اقداری اولمایان انسانلر اسکلک حالتده بولنیورلردی . عجایب بر حالت جده خلقی بوقدر ضرورت وسفالت ایچنده بولندینی حالده حاجیلردن کیمسه هیچ بر شی ایسته میوردی . هر کس « الله ینصر الاسلام والمسلمین » دیه یالکیز دعا ایدیورلردی . مع مافیه بزم واپوریمزده یک کلیتی ارزاق بولنیوردی . حاجیلرکده کندیلرینه مخصوص ارزاقلری چوقدی . هر کسک موجودندن جده فقراسنه انعام واحسان ایتدیکی کورولیوردی . جده خلقی بیوک بر بمنونیتله حاجیلره کوزل معامله لر ایدیورلردی .

عبدالرشید

اسلامیت وانجیل میسیونرلری

دین اسلامک ، نسبة شایان حیرت اولان انتشار و ترقیسیله بر عصر ظرفنده دنیانک اوچ قطعه قدیمه سینه یاسیله رق دها بوانشاده آلتی یدی عصرلق یاشلانش اولان خرسیتیانقله تماسده بولوندی

کون ، تأثرات مقدرات جهان اوزرنده سیاسی حرکتلرک یابدینی تصادفہ کورہ آریا چوق آغیر چکن دینی-سیاسی رقابت و منافرتلر باش کوسترمشد .

اسلامیتک سرعتله توسعیله خرسیتیانلق عالمه پک قریب الظهور اولان تہلکہ کی دویورمق و آکلاتمق ایچون بونک دوعرودن دوعرویه تحت تہدیدندہ اولان خرسیتیان مملکتلرینک اوتہ بریسنده ابتدابعض منفرد سہلر ایشیدلدی . فقط برچوق اسبابدن وبومیانده اوروپای حسابسز کوچک پارچہ لرہ ایران وینلرنده تابع ومتبوعلقدن باشقہ برابطہ لری اولمایان احوال سیاسیہ دن طولای بوسسلر انعکاسسز قالدیلر ، واسلام اردولری دہ قارشیلرنده جدی بر مقاومتہ راست کلمکسزین افریقانک شمالیہ اسپانیایی جزایر بحر سفیدی وایتالیانک جنوبیہ «رون» وادیسنک بویوک بر قسمی ضبط وفتح ایدرک آلہ جقلری خراجی دہ بحرسفید رؤسای حکوماتنک اکثریتی اوزرینہ طرح ایتدیلر .

اوروپادہ بویوک دولتلرک تشکیلیہ تلقیناتہ مساعدزہ یں بولان باباسلر یالکز اسلامیتک ایلر یلہ سنی توقیف دکل ، حتی مرقد مسیحی ، بوماحدلرک ید اسارتندن تخلص ایتک ایچون حکمدارانی اتحاد واتفاقہ تشویق ایدیورلردی . باباسلرک غیرتلی ، برنجی اهل صلیک ظہورینہ منجر اولمشدرکہ بونلر کاه موفقیت ، کاه انہزام ایلہ نتیجہ انہرک صلاح الدینک خرسیتیانلری طردیلہ نہایت بولان متعدد قافلہ لر حالندہ تکرر ایشدر . اهل صلیک الک صولک انہزامی ایسہ ، بر قدرت معظمہ یہ مالک اولان دشمنہ قارش یوبلہ مسلح اردولر سوقنک عبث اولدینی قناعتی ویرہ رک مقصدلرندن واز کچمک صورتیلہ بوسوق الجیش حرکتانی تغییر و توقیف ایتدیرمشدر .

اون اوچنجی عصر میلادی ابتدالرنده (رہیمون لول) اسمندہ بر اسپانیول عالم اسلامہ احکام انجیلی نشر ایلک فکرینی القاتو تکلیف ایلہ بونک ایچون میسیونرلر یقیشیدیرمک اوزرہ بر مؤسسہ وجودہ کتیردی ؛ فقط بوتشبت ، خرسیتیانلرک حرکات آتیہ لری ایچون اسلاملرہ قارش یکی بز ساحتہ جدال آچہ لرندن باشقہ بر نتیجہ ویرمدی . بش عصر مدتیجہ (لول) ک تطبیقاتی ، همان عمومیتلہ بعض متعصب عابدلرینک منفرد و آری چوق موفقیتسز تشبت وتجازبندن باشقہ برشی تعقیب ایتدی . بوندن صوکرہ ۱۷ نجی عصرک نہایتیلہ اون سکزننجینک بدایتلرنده بعض جمعیتلر تأسس ایدن پروتستان مملکتلرنده یکیدن بر غیرت دیندارانہ باشلادی . دانیارقہ لیلر ، فلمنکلیلر ، انکلیرلر ، ولانلر ، حبشستانہ ، جاوایہ ، سیلانہ ، قوزماندل ساحلارینہ ، قوشلانده ، سن طوماشہ ، هندستان غربیہ ، کویانہ ، جنوبی افریقایہ ، آمریقای شالیہ ... الخ قطعانہ میسیونرلر اعزام ایتدیلر . فقط ۱۸ نجی عصرک نصف ثانسی فیلسوفلرینک تأثیری وفکرلرک بوتون فعالیتی سیاسی - اجتماعی مسائل اوزرینہ جلب وجمع ایلسی اوزرینہ بوخرستیانلق حرکات دینیہ سی اون طقوزنجی عصر واسطہ قدر دوام ایتش اولان بردورہ رکود وسکون کچیرمشدر . بونکله برابر ،

(مورا وجمیتی) نشر دین یولندہ دوچار اولدینی مشکلاتدن فتور کتیرمیرک محتاج اولدینی مصارفی تأدیہ ایچون انکلتزمہ نک لوندرہ دہ تأسیس ایلدیکی بر جمعیت خصوصیک یاردیمہ مظهر اولمش . و آمریقای وسطادہ ، آوسترالیہ ، و (تیت) دہ ، افریقادہ ، جزایر وحبشستاندہ تمہداتی ایفایہ دوام ایشدر .


۱۸ نجی عصر نہایتلرنده ، (ویلیہم کیری) اسمندہ بر انکلینک ناشردین اولقمده کی هنر واهلیتی ہب بوقصدک حصولہ وقف ایدہ رک اهل انجیلک بوکونکی میسیونرلرکک همان بر نقطہ غزیتی غد اولنہ بیلہ چک حرکاتک مشوقی اولمشدر . بو آدامک فعالیتی سایہ سندنہ «لوندرہ میسیونر جمعیتی - London Missionsry Society» تشکل ایدرک هندستان ایلہ (سیرالہ ٹون) . میسیونرلر کوندردیلر . اوصیرادہ آمریقادہ بونی بنظیر ایدہ رک «نویورک میسیونر جمعیتی» بی تأسیس ایدیوروم میسیونر یقیشیدیرمک مخصوص مدرسلر آچوردی . اوزماندنبری پروتستان مملکتلر آراسندہ کی بو ہوس مسابقہ نتیجہ سی ، ہر برئندہ ہر کون بر چوق جمعیتلرک تأسسہ قدر وارمشدر . اودر جہ دہ کہ یکرمنجی عصر اوائلندہ یوز جمعیت انجیلیہ ایلہ بونلرہ کرک پارہ وکرک اعضای حاملہ و پروباغاندا مطبوعاتی احضار و اعطاسیلہ یاردیم ایدن ۳۵۰ بی متجاوز جمعیات معاونہ امداد ایدیلموردی . اوندنبری میسیونرلرکک انکشافندہ اوج استقامت ترسم ایدر : جمعیتلرک صنعت و حرفلہ طولانیہ سی ، آثار متممہ نک انتشاری و مستقل یاخود خصوصی تشبثاتک ظہوری . جمعیات انجیلیہ اوزون مدت بری برلریلہ رابطہ لری اولقسزین ہربری مستقل وعینی مسلک ومتصددہ کی دیگر قارده شندن آری حالہ چالیشہ رق قالدیلر . حال بوکہ مختلف کلیسارہ منسوب جمعیتلر بیتندہ کی مناسباتہ تعلق ایتدیکندہ شدت رقابتدن دولانی مختل اولان بو استقلال وانفراد ، عمومی ومشرتک اولان غایہ یہ او صورتلہ ایراث ضرر ایتدی کہ انہایہ بوندن متأثر اولان ایش باشندہ کیلر جمعیتلرک عقد رابطہ اتفاقنہ چالیشیدیلر . بوتشبت ، میسیونرلرک فعالیتنک ایلک خطوہ تنظیمی اولدی . قاہرہ دہ انعقاد ایدن بزقونفرانئس ممالک اسلامیہ دہ کی میسیونرلرکک مبدأ اساسینی ۱۹۰۶ سنہ سندنہ وضع ایتدی ؛ وبونک ایلک تأثیراتی ۱۹۱۱ سنہ سندنہ (ادینبورغ) دہ یاپیلان عمومی قونفرہ یہ تقدیم اولنان راپورلرک موضوعی تشکیل ایتدی . بر آرائق (جنورہ) دہ «بین الملل مرکزی قومیتہ - Central international Committée» اسمندہ منفرد جمعیتلر بیتندہ واسطہ مناسبات اولق اوزرہ بر قومیتہ تأسس ایتدی . خصوصاً (لوکٹو) دہ ۱۹۱۱ سنہ سی یاپیلان قونفرانسدن بری دینیہ بیلیرکہ بو اتحاد بعدما نامتناہی کوچوک جمعیات رقیہ نک منفرد مساعیسی اوکندہ دکل ، اورکولری بوتون کرہ ارضی محیط اولان ، وثابت اولدینی قدر کثیرالافراد بر میسیونر اردوسیہ تشکیلات اخیرہ اوزرینہ وبالخاصہ یکی دنیانک جماعات روحانیہ دن اولمایان ایش آدمی ارباب

واحوالی اوزرینه مباحثی محتوی ایکی ویا اوج سنه ک اصولی برتحصیل پروغرامی یابیلمشدر . بونوع مؤسسات میاننده بالخاصه (پوتسدام) مکتبی صورت مخصوصه بر ذکر جمله شایان مکملیتی حائزدر ؛ بومؤسسه ، کنج یاشنه رغماً کرک تشکیلاتی و کرک طرز تعلیم و هیئت تعلیمیسی اعتباریله جهانگیرانه بر حسن صیت قازانمشدر .

بومؤسساتک نسائی قسمی ده میسیونرلک هالنده بویوک بر اهمیت اظهار ایدر . یوز سنه دن دها اول بر تاریخنده یعنی ۱۸۰۰ سنه میلادیه سنه آمریکا قادیلری (پوستون فال سوسیته قی فورمیسینوزی یورپوزر « اسمنده بر جمعیت تأسیس ابتدیلر . بونک هر مملکتنده ومثلاً « لوندون سوسیته قی » کی پک پارلاق شعباتی واردر . بلکه طائفه نسانک بوکی تشبثانده زیاده فداکارلنی نتیجه سیدر که همت ذکرده بو یولده تفوقله برابر شرق و بالخاصه مسلمانلرک قادیلری مساعی ذکرده اشتراکدن تقریق ایدن عادتمزه قارشو هجوم خصوصنده بویوک بر ممانعت کوسترمشلردر .

بو خصوصده اک چوق اظهار فعالیت ایدن مؤسسه ، بوتون قوتلری هندستانده جمع ایش اولان (زنانه) اسمنده کی جمعیت زانادر . بونلرک صایه زم مکتبلری ، دارالتعلیملری ، خسته خانه لری ، اجزاخانه لری واردر ؛ تأثیر تعلیملری بومؤسساتده یتیشدیریان و ذهنلری مسلمان قادیلرک بالنسبه اونلرک مادوننده اولدینی اعتقادیله بسیلنه پک چوق شاگردلرند نمایان اولور .

آمریقاده بونوع مؤسساتک عددی آلتی یوز سکسانه واردر . میسیونرلک فعالیتک اخیراً انعقاد ایدن (نیدیمبورغ) و (لوکنو) قونفره لرندن صوکرده دها زیاده کسب اتساع ایتدیکی انکار اولونما مالیدر . بو فعالیتک اک مهم نقطه سی بوتون جمعیتلرک کله جک سنه اجتماعیه قدر مراقبه اعمالنه مأموراً هر برندن انتخاب اولان اعضادن متشکل «دائمی قونفره» اداره عالیسنک انتظام حرکاته عائددر که اسمندن ده آکلاشیله جنی وجهله بو هیئت ، بر عدم فعالیت دورینک نقصانی تلافی مقصودیه انتخاب ایدلشددر . میسیونرلرک صورت و وسائط عملیه لری اوج صنفه تقسیم ایدلشددر : ۱ - وعظ و خطابتله ، ۲ - مطبوعات و ادبیات و طبابتله ، ۳ - مکتبلرده خرسیتانلغه عائد تعلیم و تربیه ایله . بونلردن برنجی واسطه ، اک اسکیسیدر .



اسلام سیاستنه محتاج

دولت علیه عثمانیه اسلامی بر سیاست تعقیب ایتدیکی دورلرده دائاً قدرت و قوت صاحب اولمشدی ، داخلاً و خارجاً هر کس کندیسندن ممنون ایدی . بودولتک بدایت تشکله کندیسنه رهبرلک ایدن ایکی شی واردی : بری شرع شریف ، دیکری غنغات قدیمه . بایراملرده ،

زوتدن جلب منافع خادم اولق اوزره یاپارلان (یه یمانس میسیونری موومان) تشکیلات اخیره سندن کیت کیده متزاید صورتده کله جک بویوک پاره لرله ، بیکی متجاوز جمعیات متجانسه نك مؤثر و اصولی فعالیت میسیونر حرکاتندن ثمرات ویره جکلردر .

بوجمیتلر ، ترکی اعتباریله جمعیات خیریه یه تمامیه مشاهددر . وطبقی اونلر کی کلیسا تصدقاتی ، اوتل و سائره کی غلبه لک محللرده تصدق ، اغانه دن باشقه وصیتنامه لی هبه و تبرعات ایله بعض تخصیصات الملق و سائطی استعمال ایله پاره لرینی تدارک ایدرلر . « لوندره میسیونر جمعیتی » کی بویوک شرکتلر بو خصوصده پک واسع تشکیلات اظهار ایدرلر . آمریقاده ضیافتلر کشیده سی ، سرکیلر ، شهر آیینلی بویوک و مطمئن کیجه اکلنجه لری ترتیبیه بویوک مصرفلر اختیار ایدرلر . تمام درت یوز اوتوز اوج جمعیت و مؤسسات میسیونرلر یاردم ایتک ایچون پاره طویلالمق خصوصنده علی الدوام بویوک بر فعالیت کوسترمکده درلر . صوک ربع عصر اثناسنده بومؤسساتک درجه فعالیتنی اک بلیغ بر صورتده تصویر ایدن شی (۱۳۴,۷۰۰,۰۰۰ فرانق) درکه بومبالغ ۸۰,۰۰۰,۰۰۰ ی ۱۹۱۱ سنه سنده انکلز لسانی تکلم ایدن مملکتلری یعنی ، انکلتره ، آوستریا ، جماهیر مجتمعه آمریقاده ، یکریمی میلیونیه المانیاه ، فلمنک ، اسوه ج ، اسویجره ، دانیمارقه کی اوروپای مرکزی ممالکی ایچون آلمشدر . بو مهم مبلغلره میسیونر جمعیتلری دنیانک هریرنده و ممالک اسلامیه نك ایکی نلشده تمامیه طوتونورلر . باشلیجه ۳۸۳۸ موقوفه ۳۴۷۱۹ عدد ایکنجی درجه ده مواقف ، ۱۲۴۳۷۳ میسیونری محتویدرلر ؛ بوندن باشقه ۸۶ دارالفنون و مکتب ایله ۵۲۲ دارالمعلمین و ۱۷۱۴ مکتب عالیله ۳۰۱۸۵ ابتدائی مکتبی و ۱,۴۱۲,۰۶۴ معلم و معلم معاونیه سامعین طرفندن اداره اولسان و ۱,۷۲۸,۱۹۳ طلبیه مالک بولان ۲۸۹۵۲ بازار مکتبلری واردر . بونلردن باشقه جمعیات مذکورده نك ۵۷۶ خسته خانه سی ، ۱۰۷۷ اجزاخانه سیله ۱۱۱ طبی اوخسته باقیچی مؤسسه لری موجوددر . میسیونر مؤسساتک اعضا و منسوبینک عددی تقریباً اون اوج میلیونیه بالغ اولور . فقط بومیسوونرلک ذکرینک علامت فارقه انکشافی اوزنطقوزنجی عصر میلادینک صوک عشر سیننده بالخاصه آمریقا و اوروپا دارالفنونلری شبانک کافه طبقات اجتماعیه سنده سریع بر صورتده کورونور .

بوانبساط وانتشله حقنده بر فکر واضح ویره بیلیمک ایچون مختلف جمعیات و مؤسسات مسیحیه مفرط بر صورتده پیدای انقصاب ایدن کنجیلرک قبل الحرب یوزبیک کشی مقدارنده اولدیغی قید ایلک کفایت ایدر . حتی آمریقاده انعقاد ایدن دارالفنونلر ییننده کی بر قونفره نك نتیجه اجتماعنده بیک بشیوز کنج هان میسیونر مسلکینه کوللی اولاراق داخل اولمشلر واقطار جهانیه یابیلمشلردر . مسلکدن میسیونر یتیشدیرمک ایچون تأسیس ایدن مکتبلرده اسلامیتک کافه وجوه